



**ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ  
ԳԵՂԱՐՔՈՒՆԻՔԻ ՄԱՐԶՊԵՏ  
ՈՐՈՇՈՒՄ**

N 318- Ա

01 դեկտեմբերի 2015 թ.

**ՀՀ ԳԵՂԱՐՔՈՒՆԻՔԻ ՄԱՐԶՈՒՄ 2016 ԹՎԱԿԱՆԻ ԸՆԹԱՑՔՈՒՄ ԿԱՆԽԱՏԵՍՎՈՂ  
ԳԱՐՆԱՆԱՅԻՆ ՀԵՂԵՂՈՒՄՆԵՐԻ, ՍԵԼԱՎՆԵՐԻ, ՍՈՂԱՆՔՆԵՐԻ, ՎԹԱՐԱՅԻՆ  
ԿԱՄՈՒՐՋՆԵՐԻ ՓԼՈՒՋՄԱՆ ԵՎ ՀՆԱՐԱՎՈՐ ՔԱՐԱԹԱՓՈՒՄՆԵՐԻ  
ԿԱՆԽԱՐԳԵԼՄԱՆ, ՀԵՏԵՎԱՆՔՆԵՐԻ ՆՎԱՋԵՑՄԱՆ ՈՒ ՎԵՐԱՑՄԱՆ  
ՄԻՋՈՑԱՌՈՒՄՆԵՐԻ ՄԱՍԻՆ**

Ղեկավարվելով Հայաստանի Հանրապետության Նախագահի 1997 թվականի մայիսի 6-ի ՆՀ-728 հրամանագրի 1.6-րդ և 1.22-րդ կետերի դրույթներով  
**որոշում եմ՝**

1. Մարզի տարածքում հնարավոր քրիեղեղների, հեղեղումների, սելավների, սողանքների, հնարավոր քարաթափումների տեղամասերն ու վթարային կամուրջները հաշվառելու, անհրաժեշտ միջոցառումներ ձեռնարկելու, արտակարգ իրավիճակներում վնասների նվազեցման և հետևանքների վերացման աշխատանքներն օպերատիվ կազմակերպելու նպատակով ստեղծել հանձնաժողով հետևյալ կազմով՝

- |                    |  |
|--------------------|--|
| Հակոբյան Կարեն     | - մարզպետի տեղակալ, նախագահ  |
| Գալստյան Էդիկ      | - ՀՀ ԱԻՆ ՓԾ Գեղարքունիքի մարզային փրկարարական վարչության պետ, փ/ծ գնդապետ                |
| Հովհաննիսյան Վանիկ | - մարզպետարանի աշխատակազմի գյուղատնտեսության և բնապահպանության վարչության պետ            |
| Ասատրյան Իվան      | - մարզպետարանի աշխատակազմի ՏԻ և ՀԳՄՀ վարչության պետ                                      |
| Բուդումյան Խաչիկ   | - մարզպետարանի աշխատակազմի քաղաքաշինության վարչության պետի տեղակալ                       |
| Զոհրաբյան Արմեն    | - մարզպետարանի աշխատակազմի քաղաքաշինության վարչության ճարտարապետաշինարարական բաժնի վարիչ |

2. Առաջարկել մարզի համայնքների ղեկավարներին՝

1) մինչև 2016 թվականի փետրվարի 1-ը սույն որոշմամբ ստեղծված հանձնաժողովին /նախագահ՝ Կարեն Հակոբյան/ ներկայացնել համայնքների հեղեղավտանգ, սելավավտանգ, սողանքավտանգ տարածքների, հնարավոր քարաթափումների և վթարային կամուրջների վերաբերյալ տեղեկատվություն և առաջարկություններ՝ հնարավոր արտակարգ իրավիճակների կանխարգելման ու հետևանքների վերացման ուղղությամբ, անհրաժեշտության դեպքում գործողությունների ուղղություններն ամրագրել համապատասխան իրավական ակտերով:

2) հաշվառել համայնքում առկա սարքին ինժեներական տեխնիկաները /մղաններ, էքսկավատորներ, ինքնաթափեր և այլն/ և ձեռք բերել պայմանավորվածություններ անհրաժեշտության դեպքում դրանց օգտագործման վերաբերյալ:

3. Հանձնաժողովի նախագահ Կարեն Հակոբյանին՝ համայնքներից ստացված տեղեկատվության հիման վրա հնգօրյա ժամկետում կազմել պլան-ժամանակացույց մարզում 2016 թվականի ընթացքում կանխատեսվող գարնանային հեղեղումների, վթարային կամուրջների փլուզման, հնարավոր քարաթափումների, սողանքավտանգ տարածքներում սպասվող հնարավոր վտանգների նվազեցման, հետևանքների վերացման միջոցառումների մասին և ներկայացնել հաստատման:

4. Սույն որոշումն ուժի մեջ է մտնում ստորագրման պահից:



Ռ. Պետրոսյան ՌԱՖԻԿ ԳՐԻԳՈՐՅԱՆ